

BOSNA I HERCEGOVINA
FEDERACIJA BIH
ZENIČKO-DOBOJSKI KANTON
GRAD ZAVIDOVIĆI
GRADSKO VIJEĆE
Gradska izborna komisija
Broj:01-05-000473-107/24
Datum: 26.08.2024.godine

**POLITIČKIM SUBJEKTIMA KOJI IMAJU OVJERENO UČEŠĆE U OSNOVNOJ
IZBORNOJ JEDINICI 077 NA LOKALNIM IZBORIMA 2024.GODINE**

PREDMET: Poziv za podnošenje zahtjeva za izdavanje akreditacija posmatračima,
dostavlja se

Shodno članu 17.5 stav (1), (4) i (5) Izbornog zakona Bosne i Hercegovine („Službeni glasnik Bosne i Hercegovine“ broj 23/01, 7/02, 9/02, 20/02, 25/02, 4/04, 20/04, 25/05, 52/05, 65/05, 77/05, 11/06, 24/06, 32/07, 33/08, 37/08, 32/10, 18/13, 7/14, 31/16 u 41/20, 38/22, 51/22, 67/22 i 24/24), članom 3. i članom 8. Uputstva o uvjetima i procedurama za akreditiranje izbornih posmatrača u Bosni i Hercegovini („Službeni glasnik BiH“, broj 31/24, pozivamo sve političke subjekte koji imaju ovjereno učešće u osnovnoj izbornoj jedinici 077A na Lokalnim izborima 2024. godine, koji će se održati 06.10.2024. godine, da podnesu zahtjev za akreditovanje posmatrača.

Potrebno je da najkasnije do 21.09.2024. dostavite svoje zahtjeve za akreditovanje posmatrača za posmatranje Lokalnih izbora 2024. godine.

Posmatrači koji budu akreditovani imaju pravo posmatranja rada izborne komisije, Centra za birački spisak i rada na biračkim mjestima, kao i rada mobilnih timova.

Broj posmatrača koje politički subjekti mogu imati je neograničen. Zahtjev za akreditiranje koji politički subjekt podnese izbornoj komisiji u osnovnoj izbornoj jedinici unutar izborne jedinice za koju se kandidira smatrati će se važećim ako su ga potpisala lica koja su u prijavi za ovjeru za učešće na izborima navedena kao lica ovlaštena za zastupanje i čiji je potpis deponovan kod Centralne izborne komisije BiH.

Uz obrazac zahtjev za akreditiranje organizacije za posmatranje izbora, potrebno je dostaviti popunjenu listu predloženih posmatrača koja sadrži: ime i prezime, broj važeće lične isprave, naziv države koja je izdala ličnu ispravu i jedinstveni matični broj, te obrazac pravila ponašanja i izjavu o poštivanju tajnosti glasanja za svakog predloženog posmatrača.

Zahtjev za akreditiranje organizacije za posmatranje izbora, obrazac o predloženim posmatračima i obrazac pravila ponašanja i izjava o poštivanju tajnosti glasanja možete preuzeti na stranici CIK-a BiH, web portalu Grada Zavidovići i u sjedištu Gradske izborne komisije, kancelarija 222.

Ujedno obavještavamo da posmatrači koje predložite mogu biti samo lica koja su državljani BiH i koja su punoljetna.

Akreditirani posmatrač ne može biti lice:

- a) koje je kandidat na predstojećim izborima;
- b) čija je kandidatura na predstojećim izborima odbijena, ili je njegovo ime naknadno skinuto sa liste kandidata;
- c) kojem je Centralna izborna komisija BiH izrekla sankciju zabrane rada u biračkom odboru u Centru za birački spisak ili u Izornoj komisiji;
- d) koje je predložio politički subjekt koji nije ovjeren za učešće na izborima;
- e) koje je član biračkog odbora;
- f) koje je u izvršnoj ili zakonodavnoj vlasti u izornoj jedinici za nivo za koju se bira (za općinsko vijeće i općinskog načelnika na lokalnim izborima, za više nivoe vlasti na općim izborima) .

Izborna komisija će odbiti zahtjev za izdavanje akreditacije i u slučajevima:

- a) ako je poništena ovjera političkog subjekta;
- b) ako predloženi posmatrač ne ispunjava uslove iz čl. 3. Uputstva o uslovima i procedurama za imenovanje posmatrača;
- c) ako je pojedino lice već predloženo, odnosno ako ga je akreditirao drugi politički subjekt ili udruženje.

DOSTAVLJENO:

- Web stranici Grada Zavidovići
- Ovjereni politički subjekt
- Arhiva

GRADSKA IZBORNA KOMISIJA
Z A V I D O V I Ć I

